

Sibthorp, John ; Smith, James Edward [Editor]: Flora Graeca, sive plantarum rariorum historia, quas in provinciis aut insulis Graecis legit, investigavit et depingi curavit John Sibthorp: hic illic etiam insertae sunt pauculae species quas vir idem clarissimus, Graeciam versus navigans, in itinere, praesertim apud Italiam et Siciliam, invenit (Voluminis septimi - Fasciculus secundus): Vol. VII.

London, 1830

Seite 51

MONADELPHIA POLYANDRIA.

61

HIBISCUS.

Linn. Gen. Pl. 356. *Juss. Gen. Pl.* 273. *Gartn. t.* 134. *DeCand. Prodr. v.* 1. 446.

Calyx 5-fidus. *Involucrum* polyphyllum, rariùs oligophyllum, v. foliolis inter se coalitis. *Petala* æquilatera. *Stigmata* 5. *Capsula* 5-locularis, 5-valvis, polysperma, rariùs 1-sperma; dehiscentiâ loculicidâ.

TABULA 666.

HIBISCUS TRIONUM.

HIBISCUS foliis superioribus tripartitis remotè dentatis: laciniâ intermediâ elongatâ, lateralibus basi altè lobatis, inferioribus subrotundis trilobis, calycibus fructiferis inflatis membranaceis subsphæricis angulatis, capsulâ polyspermâ.

H. Trionum. *Linn. Sp. Pl.* 981. *Cavan. Diss. v.* 1. 171. *t.* 64. *f.* 1. *Willden. Sp. Pl. v.* 3. 832. *Curt. Bot. Mag. t.* 209. *DeCand. Prodr. v.* 1. 453.

Ketmia vesicaria vulgaris. *Tourn. Inst.* 101.

Αλκα Dioscoridis.

Inter segetes in insulæ Cypri arvis depressis, nec non in Achaiâ. ○.

Radix annua, perpendicularis, pallida, apice ramosa. *Caulis* ramosus, diffusus, hispidus, teres. *Folia* hispida, tripartita, petiolorum longitudine; laciniis oblongis intermediâ elongatâ incisis, lateralibus basi altè lobatis; lobis omnibus remotis obtusis; inferiora nunc subrotunda obtusè triloba. *Flores* solitarii, axillares; pedicellis hispidis petiolis longioribus. *Involucrum* polyphyllum; foliolis linearibus, hispidis, calyce brevioribus, erectis. *Calyx* hispidus, membranaceus, pallidè viridis; angulis coloratis, 5-fidus; laciniis ovatis, obtusis, venis tribus viridibus ramulosis notatis. *Corolla* calyce multò major, sub sole aperta et campanulata, dio pluvioso v. nubilo convoluta; *petala* oblonga, unguiculata, pallidè straminea, subvirescentia, rubello hinc marginata, basi maculâ atro-purpureâ notata. *Stamina* plurima, in columnam brevem coalita, purpurea. *Stigmata* 5, capitata. *Capsula* oblonga, intra calycem vesicarium, membranaceum, angulatum, subrotundum inclusa, hispida, 5-locularis, 5-valvis, dehiscentiâ loculicidâ; loculi 4—6-spermi. *Semina* parva, nigra, reniformia, compressa, rugosa.

a. Calyx, cum involucri suo.

b. Petalum.

c. Adelfia.

d. Capsula.

e. Valvula unica sejuncta.

f. Semen.

F. Semen, magnitudine auctum.